

Balinese - Pitulungan Cakepan Sucine - Comfort Scriptures

2 Korintus 1:2-4 Sih pasueca lan sutrepti rahayu saking Ida Sang Hyang Widi Wasa, Ajin iragane miwah saking Ida Sang Hyang Yesus Kristus tumurun ring parasemeton sareng sami. 3 Ngiringja iraga matur panyuksma ring Ida Sang Hyang Widi Wasa, Ajin Ida Sang Hyang Yesus Kristus, Panembahan iragane, Sang Aji sane mahaasih, Widi sane maraga witing sakancan pitulungan. 4 Ida sane mapaica pitulungan ring iraga ring saananing kamewehan iragane, mangdane iraga mrasidayang ngaturang pitulungan ring parasemeton sane katempuh antuk kamewehan sane mawarni-warni, antuk pitulungan sane tampi iraga saking Ida Sang Hyang Widi Wasa.

Pitutur 15:13 Dikalan anake liang ia pada makenyiran, nanging dikalannyane sedih, ia pada mrungus.

1 Pararatu 8:66 Ring rahina sane kaping kutusipun, Ida Sang Prabu Salomo ngandikayang rakyate pada budal. Ipun sareng sami pada muji ida, tur mamargi budal saha liang, malantaran sakancan merta sane sampun kapaicayang antuk Ida Sang Hyang Widi Wasa ring Ida Sang Prabu Daud parekan Idane miwah kaulan Idane Israel.

1 Babad 16:10 Pada liangja santukan iraga dados padruen Idane. Sawatek anake sane nyumbah Ida mangda pada masuka rena.

Pitutur 12:25 Katakutane ento nyidayang nyuang kaliangan ceninge, nanging raos ane melah lakar ngranayang cening suka rena.

Pitutur 13:12 Yen pangajap-ajape ento nyag, kenehe masih nyag. Nanging yen ane dotang ento kasidan, ngranayang cening bek baan liang.

Yesaya 30:26 Bulane pacang masunaran sakadi surya tur suryane pacang masunaran tikel pitu ring sane sampun-sampun, sakadi terang sane pitung rahina kadadosang asiki. Indike punika pacang kasidan rikala Ida Sang Hyang Widi Wasa medbed tur nyegerang tatu sane sampun paicayang Ida ring parakaulan Idane.

Hosea 13:8 Ulun lakar nyarap kita buka beruange ane kelangan panakne, tur lakar mesbes tangkah kitane. Waluya buka singane, ditu Ulun lakar nyagrep kita jalan mula, tur Ulun lakar mukang-mukang kita buka buron alasane.

1 Samuel 1:8,10 Ulun lakar nyarap kita buka beruange ane kelangan panakne, tur lakar mesbes tangkah kitane. Waluya buka singane, ditu Ulun lakar nyagrep kita jalan mula, tur Ulun lakar mukang-mukang kita buka buron alasane. 10 Dane Hana sungsut pisan ring kayun tur

masesambatan ngastawa ring Ida Sang Hyang Widi Wasa, sarwi nangis sigsigan.

Kidung 25:16,17 Duh Ratu Sang Hyang Widi Wasa, cingakja titiang, tur suecaninja titiang santukan titiang nglisting tur lemet. 17 Tulungja titiang sajeroning kaberekan titiange, tur lputangja titiang saking sakancan kamewehan titiange.

Kidung 34:18 Ida Sang Hyang Widi Wasa tansah nampek ring anake sane sampun tan padaya, tur Ida ngrahayuang anake sane sampun telas pangajap-ajapipune.

Kidung 38:8 Titiang kalintang leleh tur dekdek remuk. Manah titiange meweh pisan, tur titiang daah-duuh nandang sakit.

Kidung 55:4 Titiang rumasa karesresan pisan, tur kadurgaman sang patine neteh titiang.

Kidung 61:2,3 Sajeroning titiang rumasa putus asa miwah doh saking cecanggahan titiange, titiang nunas ica ring Palungguh IRatu. Baktaja titiang ka genah pasayuban sane sutrepti, 3 santukan Palungguh IRatu sane dados pasayuban miwah kakuatan titiange buat ngarepin meseh-meseh titiange.

Kidung 62:8 Ih bangsan titiange, suksrahja ring Ida Sang Hyang Widi Wasa salami-laminipun. Aturangja sakancan kamewehan semetone ring Ida, santukan Ida dados pasayuban iragane.

Kidung 73:26 Yadiastun manah miwah dewek titiange sayan lemet, nanging Ida Sang Hyang Widi Wasa makadados kakuatan titiange. Ida ngraga sane setata perluang titiang.

Kidung 77:2,3 Sajeroning masa kamewehan, titiang ngastawa ring Ida Sang Hyang Widi Wasa. Awengi mepek titiang nyakupang lima ngastawa, nanging titiang nenten mrasidayang molih panglipur. 3 Yening titiang eling ring Ida Sang Hyang Widi Wasa, titiang rumasa engsek ring manah. Rikala titiang nunggalang idep tur ngranasika, titiang rumasa resres ring manah.

Kidung 86:11 Duh Ratu Sang Hyang Widi Wasa nikayangja ring titiang napi sane patut laksanayang titiang, tur titiang jaga satinut ring Palungguh IRatu saking satia tuu. Urukja titiang ngancangin Palungguh IRatu saking manah nguleng astiti bakti.

Kidung 109:22 Titiang sangsara tur nista. Atin titiange matatu raat pisan.

Kidung 112:7,8 Ipu nenten jaga ajerih nrima orti sane kaon. Pangegan ipune kukuh bakuh tur ipun pracaya ring Ida Sang Hyang Widi Wasa. 8 Ipu nenten sangsaya wiadin ajerih. Ipu pracaya jaga manggihin meseh-meseh ipune kaon.

Kidung 143:4 Duaning punika titiang sampun lesu pisan. Manah titiange

sampun telas pisan.

**Kidung 147:3 Ida ngwarasang jadmane sane dekdek renyuh manahnyane,
tur medbed tatu-tatunipune.**

**Pitutur 14:30 Kenehe ane demen ngranayang awake seger, nanging iri atine
waluya buka berunge ane tusing dadi was.**

**Guru Pangajian 1:13 Tiang sampun mutusang mungguing tiang pacang
nureksain tur mlajahin saluiring paindikan sane kakardi ring jagate
puniki. Ida Sang Hyang Widi Wasa sampun mapaica indik sane
makewehin iraga.**

Guru Pangajian 2:10 Tiang mrasidayang molih napija sane dotang tiang.

**Tiang tan naenin nanggehang napija sane demenin tiang. Tiang pacang
rumasa sumbung ring sakancan pakaryan tiange, tur punika makasami
dados pikolih katuyuhan tiange.**

**Guru Pangajian 2:22,23 Ragane makarya tur makewuhin margin urip
ragane. Napike sane pacang pikolihin ragane malantaran punika? 23
Sapanjang urip ragane, saluiring sane karyanin ragane wantah
ngawinang meweh miwah sakit ati. Malahan rikalaning wengi pepineh
ragane nenten mrasidayang degdeg. Punika makasami nenten pisan
wenten gunanipun.**

**Guru Pangajian 11:10 Sampunang banggayanga wenten paindikan sane
makewehin wiadin ngawinang ragane nandang sakit. Ragane nentenja
sue pacang kantun bajang.**

**Yesaya 30:29 Nanging semeton, ih parakaulan Ida Sang Hyang Widi Wasa,
semeton pacang bagia tur makidung sakadi sane laksanayang semeton
rikala semeton makidung ring dauh wengine ring nuju rerainane sane
suci. Semeton pacang nemu bagia tan bina sakadi anake sane mamargi
munggah ka Perhyangan Agung Ida Sang Hyang Widi Wasa, patindih
Israele, kadulurin antuk suaran gong lan suling.**

**Yesaya 57:15 Ulun ene Widi ane suci tur maha luur, ane nyeneng salawas-
lawasne. Ulun malinggih di tongose ane tegeh tur suci, nanging Ulun
masih malingga di pantaran rakyate ane nista muah ane kapok, apanga
Ulun nyidayang ngwangun kapracayan muah pangajap-ajapnyane.**

**Yesaya 65:14 Ia lakar makidung kabatek baan liangne, nanging kita lakar
ngeling uli krana sakit ati.**

**Yesaya 66:13,14 Ulun lakar nglipur kita di Yerusalem, buka meme ane
nglipur pianaknyane. 14Dikalane kita ningalin paundukane ento kasidan,
ditu kita lakar liang. Unduke ento lakar ngawanang kita siteng muah
seger oger. Ditu kita lakar nawang mungguing Ulun Sang Hyang Widi
Wasa nulungin anake ane satinut teken Ulun, buina Ulun lakar nibakang
pidukan Ulune teken musuh-musuh Ulune.”**

Yeremia 15:16 Palungguh IRatu sampun ngandika ring titiang, tur titiang sampun ngincepang pangandikan Palungguh IRatune. Titiang sampun ngiring sapakarsan Palungguh IRatune, duh Ratu Sang Hyang Widi Wasa Sane Maha Kuasa. Sabdan Palungguh IRatune sampun ngebekin manah titiange antuk suka wirya.

Yeremia 24:7 Ulun lakar nutdut kenehne apang ia dot nawang mungguing Ulun Sang Hyang Widi Wasa. Sasubane keto ia lakar dadi kaulan Ulune, tur Ulun lakar dadi Widinnyane, sawireh ia lakar mabalik sig Ulune saking nekeng ati.

Yohanes 14:1 Ida Hyang Yesus nglanturang pangandikan Idane: "Edaja cening bingbang. Pracayaja teken Ida Sang Hyang Widi Wasa tur pracayaja teken Guru.

Yohanes 14:27 Guru ninggalin cening sutrepti rahayu, sutrepti rahayun Gurune ane baang Guru cening. Sutrepti rahayu ane baang Guru cening ento, tusingja buka sutrepti rahayu ane baanga teken isin jagate. Edaja seksek tur jejeh keneh ceninge.

Yohanes 16:6 Ane jani sawireh Guru suba ngorahang unduke ento teken cening ento krana cening sedih.

Yohanes 16:22 Patuh buka keto masih paundukan ceninge: Ane jani cening sedih, nanging Guru lakar teka buin nelokin cening, ditu cening bakal masuka-sukaan tur kasukan ceninge ento tusing sida bakal juang anak.

Pamargin Parautusan 2:46 Nyabran rahina ipun pada saguluk tur teleb mabakti ring Perhyangan Agung, samaliha madaar sareng-sareng ring umah-umahipune, maduluran manah sane liang tur ngalap kasor.

Roma 9:2 Sawiakti tiang marasa kalintang sedih ring manah mangenang bangsan tiange,

2 Korintus 2:4 Tiang nulis surate puniki maduluran manah sane kalintang seksek, sedih, ngantos tiang tan mrasidayang ngampet yeh mata. Tiang ngaturang puniki boyaja mangda semeton maweweh-weweh sungsut, nanging mangda semeton pada uning ring ageng sih kapitresnan tiange ring semeton sami.

Epesus 5:19 Mabebaosanja sareng timpal-timpal semetone nganggen kakidungan Kidung miyah kidung-kidung suci. Makidung tur pujiya Ida Sang Panembahan saking nekeng ati.